

24. gr.

Endurskoðaðir reikningar skulu lagðir fram árlega á aðalfundi búnaðarsambandsins. Þar gefur stjórn eða framkvæmdastjóri skýrslu um starfsemina, svo og endurskoðendur, ef tilefni er til.

53

28. febr.

VII. KAFLI

Um breyting samþykktá og hvernig samþykkt verði úr gildi felld.

25. gr.

Tillögur, er fram kunna að koma, um breyting á samþykkt þessari, frá hreppabúnaðarfélagum, skulu sendar sambandsstjórn, er sendir þær til umsagnar öllum aðilum, er að samþykktinni standa samkv. 1. gr. Breytingartillögur sambandsstjórnar skulu og sendar sömu aðilum til umsagnar. Tillögurnar skulu því næst, ásamt umsögn búnaðarfélaganna, lagðar fyrir aðalfund búnaðarsambandsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

26. gr.

Samþykkt þessa má því aðeins nema úr gildi, að rökstutt álit meiri hluta samþykktaraðila liggi fyrir um að tilgangi samþykktar verði ekki náð og að lögmaður aðalfundur búnaðarsambandsins samþykki það með að minnsta kosti $\frac{3}{5}$ atkvæðisbærra fundarmanna, enda komi samþykki landbúnaðarráðherra til.

27. gr.

Með brot á samþykkt þessari skal farið sem almenn lögreglumál og varða þau sektum frá 100—5000 krónum, nema þyngri hegning liggi við að lögum.

28. gr.

Samþykkt þessi gengur í gildi þá er hún hefur verið staðfest af landbúnaðarráðherra.

Samþykkt þessi er sett samkvæmt lögum nr. 7 12. janúar 1945, um jarðræktar og húsagerðarsamþykktir í sveitum og reglugerð nr. 88 13. maí 1937, til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 28. febrúar 1950.

Jón Pálmason.

Árni G. Eylands.

REGLUGERÐ

54

11. marz

um stjórn bæjarmála Sauðárkrókskaupstaðar.

1. gr.

Bæjarstjórn Sauðárkróks er skipuð 7 kjörnum fulltrúum. Þeir taka ákvarðanir um þau málefni kaupstaðarins á bæjarstjórnarfundum, er til bæjarstjórnar koma. Bæjarstjóra er rétt og skylt að sitja fundi bæjarstjórnar, en ekki á hann þar atkvæði, nema hann sé jafnframt bæjarfulltrúi.

11. marz

Sérstökum málefnum kaupstaðarins stjórna og hafa með höndum fastar nefndir, er bæjarstjórn kýs. Þessar nefndir eru:

1. Fjárhagsnefnd.
2. Framfærslunefnd.
3. Allsherjarnefnd.
4. Landbúnaðarnefnd.
5. Rafveitunefnd.
6. Veganefnd.
7. Vatns- og hitaveitunefnd.
8. Niðurjöfnunarnefnd.
9. Byggingarnefnd.
10. Hafnarnefnd.
11. Verksmiðjunefnd.
12. Íþróttanefnd.

Enn fremur kýs bæjarstjórn:

1. Fræðsluráð, 5 menn og 5 til vara.
2. 1 mann í heilbrigðisnefnd.
3. 1 mann í skattanefnd.
4. 1 mann í verðlagsskrárnefnd.
5. 2 menn í stjórn Sjúkrahúss Skagfirðinga.
6. 1 mann í stjórn Skógræktarsjóðs.
7. Slökkviliðsstjóra, varaslökkviliðsstjóra og einn mann í brunamálanefnd.
8. Kjörstjórnir samkvæmt fyrirmælum kosningalaga.
9. 1 mann í stjórn Skagfirðingasjóðs.
10. 2 endurskoðendur bæjarreikninga og 2 til vara.
11. 6 menn í barnaverndarnefnd og 2 til vara.
12. 1 mann í fasteignamatsnefnd.
13. 2 menn í bókasafnsnefnd.
14. 1 mann í stjórn Sparisjóðs Sauðárkróks og einn endurskoðanda.

Fastar nefndir skulu kosnar til eins árs í senn. Í fyrsta sinn á kjörtímabilinu, þegar bæjarstjórnarkosningar eru um garð gengnir, og síðan á fyrsta fundi hvers árs. Um kosningu í byggingarnefnd fer þó eftir byggingarsamþykkt Sauðárkrókskaupstaðar.

Enn fremur kýs bæjarstjórn bæjarstjóra. Skal hann kosinn eftir hverjar almenningar bæjarstjórnarkosningar og er kjörtímabil hans hið sama og bæjarfulltrúa. Endurkjósa má bæjarstjóra, og setur bæjarstjórn með samþykkt staðfestri af ráðuneytinu ákvæði um starfssvið hans, laun og skrifstofufé. Kosning bæjarstjóra skal vera leynileg.

Verði sæti nefndarmanns autt, eða fái hann þau forföll, að hann geti ekki gegnt starfi sínu, tekur varafulltrúi sæti hans og gilda um það sömu reglur og um setu varafulltrúa í bæjarstjórn í stað aðalfulltrúa, sé um bæjarfulltrúa að ræða. Sé nefndarmaður utan bæjarstjórnar, kýs bæjarstjórn mann í hans stað, ef henni þykir ástæða til.

Bæjarstjórn getur með þeim undantekningum, sem leiða af ákvæðum í lögum og reglugerðum um starf fastra nefnda, tekið sérhvert mál til meðferðar og úrskurðar, þótt falið hafi verið fastri nefnd. Bæjarstjórn getur skipað sérstakar nefndir í einstök mál, þegar svo þykir henta, eða falið einhverjum fulltrúa framkvæmd þeirra. Allar nefndir skulu kjósa sér formann á fyrsta fundi sínum. Sérhver fastanefnd skal halda gerðabók og skrá fundargerðir.

3. gr.

Fjárhagsnefnd er skipuð þremur fulltrúum. Hún hefur umsjón með fjárhag kaupstaðarins, undirbýr áætlanir um tekjur og gjöld kaupstaðarins, semur árlega skýrslu um eignir og skuldir bæjarins, hefur eftirlit með því að bæjargjaldkeri riti rétt og reglulega bækur sínar, heimti tekjur kaupstaðarins á réttum tíma, setji handbært fé hans á vöxtu og yfirleitt hegði sér samkvæmt erindisbréfi sínu.

Nefndin skipar fyrir um hvernig bækur gjaldkerans og annarra, er kunna að hafa umráð yfir fé kaupstaðarins, skulu lagaðar, nema öðruvísi sé fyrir mælt. Hún leiðbeinir þeim, er hlut eiga að máli, litur eftir fjárbirgðum þeim, er þeir hafa með höndum og gætir þess, að reglum þeim sé hlýtt, sem um fjárhagsmálefni eru settar.

4. gr.

Í framfærslunefnd eru kosnir þrír menn. Nefndin hefur með höndum stjórn allra framfærslumála í Sauðárkrókskaupstað. Nefndin stjórnar elliheimili og barnaheimili bæjarins, ef slík fyrirtæki verða sett á stofn.

Bæjarstjóri er jafnframt framfærslustjóri, nema til þess sé ráðinn sérstakur maður.

5. gr.

Allsherjarnefnd skipa þrjár bæjarfulltrúar. Hún hefur með höndum öll þau mál, er ekki heyra undir aðrar nefndir bæjarstjórnar.

6. gr.

Í landbúnaðarnefnd eru kosnir þrír menn. Hefur nefndin með höndum umsjón með fasteignum bæjarins, svo sem jörðum, veiðiafnotum, reka, mótaki, grjótnámi, slægjum, beit o. s. frv. Enn fremur annast hún allt, er að fjallskilum lýtur, þar með talin refaeyðing, fjárböðun og fjárkláðaeftirlit.

Nefndin sér um útmælingu ræktunarlóða og annarra lóða, sem ekki falla undir starfssvið byggingarnefndar samkvæmt byggingarsamþykkt kaupstaðarins, gerir tillögur um leigu á fasteignum, lóðum og jarðarafnotum.

7. gr.

Rafveitunefnd skipa þrír menn. Hún sér um rafstöð kaupstaðarins samkvæmt lögum og reglum um það efni. Rafveitustjóri er ráðunautur nefndarinnar um öll störf hennar og mætir á öllum fundum nefndarinnar, en hefur ekki atkvæðisrétt. Bæjargjaldkeri skal vera gjaldkeri rafveitunnar.

8. gr.

Veganefnd er skipuð þremur mönnum. Nefndin hefur á hendi alla umsjón og framkvæmdir á vegagerðum, endurbótum vega og hirðingu. Einnig gerir hún tillögur til bæjarstjórnar um framlag til vega.

9. gr.

Vatns- og hitaveitunefnd er skipuð þremur mönnum. Nefndin hefur með höndum umsjón með vatnsveitu og holræsum kaupstaðarins samkvæmt reglugerðum.

Nefndin hefur á hendi rannsókn á hitaveitu. Hún hefur eftirlit með innheimtu og reikningshaldi þessara fyrirtækja og gerir tillögur um fjárhagsleg atriði fyrir-tækjanna.

10. gr.

Í niðurjöfnunarnefnd eru kosnir fjórir menn í nóvembermánuði, til eins árs í senn, en formaður hennar er formaður skattanefndar. Um störf niðurjöfnunarnefndar fer eftir lögum um útsvör.

54

11. marz

11. gr.

Byggingarnefnd er skipuð fjórum mönnum, auk bæjarstjóra, þar af tveimur úr flokki bæjarfulltrúa. Nefndin annast byggingamál bæjarins samkvæmt því sem fyrir er mælt í lögum um byggingar og byggingarsamþykkt bæjarins.

12. gr.

Hafnarnefnd skipa þrjár eða fimm menn og þrjár til vara. Bæjarstjóri er sjálfkjörinn formaður nefndarinnar. Nefndin hefur á hendi framkvæmdir hafnarmála og eftirlit með höfninni, samkvæmt hafnarlögum. Hún hefur auk þess eftirlit með innheimtu hafnargjalda. Meðan Skagafjarðarsýsla er í ábyrgð fyrir höfnina, hefur hún rétt til að kjósa mann í hafnarnefnd.

13. gr.

Verksmiðjunefnd skipa fjórir menn, auk bæjarstjóra, sem er formaður nefndarinnar. Nefndin hefur það verksvið, að reyna að sjá um útvegum á fyrirgreiðslu um byggingu verksmiðju til hagnýtingar á hráefni frá aðalatvinnuvegunum.

14. gr.

Íþróttarnefnd er skipuð fimm mönnum. Hún hefur á hendi stjórn íþróttamála og umsjón með framkvæmdum í íþróttamálum bæjarins.

15. gr.

Samkvæmt viðkomandi lögum og reglugerðum eru kosnar og starfa: Fræðsluráð, heilbrigðisnefnd, skattarnefnd, slökkviliðsstjóri, brunamálanefnd, kjörstjórnir, endurskoðendur bæjarreikninga, barnaverndarnefnd, fasteignamatsnefnd og brunabótavirðingamaður.

16. gr.

Allar fastanefndir bæjarstjórnar og nefndir, sem hún setur í einstök mál, skulu leggja gerðir sínar fyrir bæjarstjórn til meðferðar og endanlegrar samþykktar eða synjunar.

17. gr.

Alla reikninga bæjarsjóðs og fyrirtækja bæjarins skal senda bæjarstjóra. Rannsakar hann þá, sér um að þeir séu nægilega vottaðir, að þeir séu réttir, hafi áætlunarheimild eða samþykki bæjarstjórnar við að styðjast, og ávísar þeim síðan til greiðslu.

Ekkert fé, nema laun fastra starfsmanna, má greiða úr bæjarsjóði nema eftir löglegri ávísun. Lögleg ávísun telst áritun formanns hlutaðeigandi nefndar.

18. gr.

Endurskoðaðir reikningar kaupstaðarins skulu liggja frammi 15 daga almenningsi til sýnis og séu þeir lagðir fram fyrir aprilmánaðarlok ár hvert.

19. gr.

Þær nefndir, sem fjármál hafa með höndum, skulu innan þess tíma, er bæjarstjóri tiltekur, senda fjárhagsnefnd frumvarp að áætlun um tekjur og gjöld mála þeirra, er undir þær heyra, svo og tillögur um hvernig fjárveiting skuli varið.

20. gr.

Bæjarstjóri annast framkvæmdir á málum þeim og ritstörfum, sem eigi eru öðrum falin og allar bréfaskriftir bæjarstjórnar.

21. gr.

Til þess að gera breytingar á samþykkt þessari þarf umræður á tveimur fundum bæjarstjórnar, samþykki meiri hluta atkvæða og staðfestingu stjórnarráðsins.

54

11. marz

Samþykkt þessi, sem bæjarstjórn Sauðárkrókskaupstaðar hefur gert samkvæmt lögum nr. 57 24. maí 1947, er hér með staðfest til þess að öðlast þegar gildi.

Félagsmálaráðuneytið, 11. marz 1950.

F. h. r.

Jónas Guðmundsson.

Hallgrímur Dalberg.

REGLUR

55

11. marz

um breyting á reglum nr. 13 22. janúar 1947, um fyrirtæki, er starfa að loftflutningum.

1. gr.

8. gr. reglnanna orðist svo:

Leyfishafa er skylt að slysatryggja farþega í innanlandsflugi. Skulu slysabætur vera hinar sömu og ákveðnar eru í 51.—58. gr. laga nr. 50 7. maí 1946, um almannatryggingar. Skal þess getið á farseðlum, að farþegar séu þannig tryggðir.

Í millilandaflugi er leyfishafa skylt að tryggja sig í samræmi við ábyrgð þá, er lögð er á hann með Varsjársmningnum, sbr. lög nr. 41 25. maí 1949.

Um ábyrgðarskyldu gagnvart þriðja manni fer eftir ákvæðum 31.—34. gr. laga nr. 32 14. júní 1929, um loftferðir.

Tryggingar þær, sem að framan getur, skal kaupa hjá vátryggjanda, sem hefur varnarþing hér á landi í þeim málum, sem rísa kunna út af tryggingum þessum.

2. gr.

Breyting þessi öðlast þegar gildi.

Reglur þessar eru settar samkvæmt lögum nr. 32 14. júní 1929, sbr. lög nr. 41 25. maí 1949.

Samgöngumálaráðuneytið, 11. marz 1950.

Jóhann P. Jósefsson.

Páll Pálmason.

Staðfesting forsetans á skipulagsskrá fyrir „Líknar- og menningarsjóð Ljós- 56
mæðrafélags Reykjavíkur“, útgefin á venjulegan hátt að mandatum af dómsmála- 11. marz
ráðherra 11. marz 1950.

Skipulagsskráin er þannig:

SKIPULAGSSKRÁ

fyrir Líknar- og menningarsjóð Ljósmaðrafélags Reykjavíkur.

1. gr.

Sjóðurinn heitir Líknar- og menningarsjóður Ljósmaðrafélags Reykjavíkur, og er stofnaður af meðlimum félagsins, sem undir skjal þetta rita.